

**DETRÁS DE
CADA NUMERO
HAI VIDAS**

CCOO
ensino



**ERRADIQUEMOS AS VIOLENCIAS MACHISTAS!!
EDUQUEMOS EN IGUALDADE!!**

A Federación de Ensino de CCOO esixe propostas concretas en materia educativa e, como cada ano, manifesta o seu total rexeitamento á violencia contra as mulleres.

CCOO reclama o dereito á vida e á igualdade proclamado na Constitución e denuncia o fracaso das políticas institucionais para frear a violencia ante as arrepiantes estatísticas que contabilizan ás mulleres asasinadas pola violencia exercida pola súa parella ou exparella. De igual modo, denunciaremos todo tipo de violencia contra as mulleres cuxas cifras non aparecen nos datos oficiais. Cada vez máis persoas e sobre todo máis homes van entendendo a necesidade de pasar á acción para erradicar a lacra da violencia contra as mulleres.

Na actualidade existe unha maior concienciación sobre a necesidade de erradicar calquera actitude que poida comportar acoso, discriminación ou violencia, sexa esta do grao que sexa.

A violencia de xénero en España durante 2018 volve debuxar un panorama dramático e urxente que esixe ao Goberno, aos grupos políticos e ás administracións o cumprimento da normativa europea, o Convenio de Istambul e as medidas acordadas no Pacto de Estado contra a Violencia de Xénero, que vén completar o xa exposto pola Lei Orgánica 1/2004 do 28 de decembro. A pesar dos avances lexislativos en materia de loita contra a violencia sobre a muller, a violencia machista segue sendo unha manifestación cruel da desigualdade que atenta contra os dereitos humanos máis fundamentais e que segue apuntando ás mulleres como centro da violencia patriarcal polo mero feito de selo.

A cuestión da violencia de xénero non se resume en que hai mulleres que son violentadas por homes e que, por tanto, deben ser atendidas como vítimas dunha agresión. A estrutura da violencia é un iceberg que enraíza nos niveis máis baixos de convivencia e desenvolvemento, e do que sobresaen como cúspide deste proceso incontrolado os capítulos máis dramáticos que constitúen as mortes e os asasinatos.

A elaboración de campañas, a formación do profesorado, do persoal sanitario, xudicial, corpos de seguridade; a dotación duns centros coeducativos que impartan os seus currículos integrais desde a perspectiva de xénero, e a educación afectivo-sexual dos nosos nenos, nenas e adolescentes, son a única garantía da erradicación da violencia de xénero na nosa sociedade. Para isto, necesítanse uns recursos que veñen sendo negados desde fai máis dunha década.

Ata novembro de 2018, 44 mulleres foron asasinadas polas súas parellas ou exparejas. Ademais dos feminicidios cometidos contra as mulleres en 2018, 33 menores quedaron orfos e 28 foron asasinados desde 2003, 8 no último ano, na súa maioría nenas, segundo datos do Ministerio do Interior.

**DETRAS DE
CADA NUMERO
HAI VIDAS**

CCOO
ensino



**ERRADIQUEMOS AS VIOLENCIAS MACHISTAS!!
EDUQUEMOS EN IGUALDADE!!**

A protección dos e das menores constitúe un dos eixos máis importantes do Pacto de Estado, polo que se fortaleceron as figuras da tutela xudicial dos menores, o acceso xudicial por parte das vítimas e os recursos de asistencia a estas vítimas de violencia de xénero.

O aumento progresivo das vítimas menores por violencia machista, é unha preocupación constante para a Federación de Ensino de CCOO que esixe de maneira inmediata aos Gobernos unha estratexia política que sitúe este elemento no centro das políticas educativas.

Entre outras medidas globais e no que se refire a educación CCOO reivindicamos:

- A derogación inmediata da LOMCE, que empeora substancialmente o pouco que se aprobara nas anteriores leis educativas.
- As administracións educativas deben poñer os medios para que o profesorado e todos os demais profesionais da educación se implíquen de maneira efectiva na tarefa, animando á colaboración coas familias.
- Fomentar unha educación en igualdade para mozos e mozas, unha educación para a igualdade de mulleres e homes, libre de estereotipos de xénero, identidade e expresión de xénero.
- Desenvolver contextos educativos de respecto, favorables ás relacións democráticas e igualitarias entre os sexos, onde se combata calquera mostra de violencia de xénero.
- Elaborar e aplicar plans de formación, inicial e permanente, para o conxunto de profesionais do ámbito educativo, que inclúan formación específica en materia de igualdade, para a resolución pacífica de conflitos e para a educación dos afectos.
- Integrar nos contidos curriculares a igualdade, a loita contra o sexismo, unha educación sexual e dos afectos e emocións, que respecte as diversas opcións identitarias e sexo-afectivas e a resolución pacífica dos conflitos.
- Promover a elaboración de materiais e contidos curriculares sen estereotipos sexistas ou discriminatorios, que fomenten o igual valor de homes e mulleres, cunha linguaxe que visibilice ás mulleres, nomeándoas.
- Asegurar a presenza nos consellos escolares dos centros dunha persoa encargada de impulsar medidas educativas que fomenten a igualdade real e efectiva entre mulleres e homes.

**DETRAS DE
CADA NUMERO
HAI VIDAS**

CCOO
ensino



**ERRADIQUEMOS AS VIOLENCIAS MACHISTAS!!
EDUQUEMOS EN IGUALDADE!!**

- As administracións educativas deben garantir a incorporación de contidos curriculares en materia de igualdade e contra a violencia nos distintos graos universitarios.
- Reforzar a actuación da Inspección Educativa na súa función de velar polo cumprimento e aplicación dos principios e valores destinados a fomentar a igualdade real entre mulleres e homes.
- Suprimir os concertos aos centros educativos que segregan por sexo ao seu alumnado.

En CCOO cremos que é o momento de acabar con esta lacra, que non sexa necesaria esta data, e estamos convencidos e convencidas de que sen a participación directa e o compromiso dos compañeiros, amigos e familiares (quen sen ser directamente responsables das agresións, son obrigatoriamente corresponsables da erradicación do machismo e as condutas que o sosteñen), non é posible loitar contra este mal.

Interpelamos directamente aos homes para que tomen conciencia dos seus privilexios, póñanse ao choio para erradicar a violencia contra as mulleres e tamén saian á rúa para gritar:

“Non máis agresións machistas!”, “Nin unha máis!”.
“querémos(N/V)os vivas, libres e unidas!”.

É O MOMENTO DA IGUALDADE